

UMS JALIN KERJASAMA MoU DENGAN MTIB

Oleh: Salbinous Saribun



Universiti Malaysia Sabah (UMS) sentiasa berusaha untuk terus meningkatkan kecemerlangan dalam pelbagai aspek. Terbaru, UMS telah memeterai memorandum persefahaman (MoU) dengan Lembaga Perindustrian Kayu Malaysia (MTIB) sebagai langkah signifikan ke arah kerjasama membangun dan penyelidikan industri perikanan negara.

MTIB, sebagai sebuah agensi dibawah Kementerian Perusahaan Perladangan dan Komoditi berperanan dalam membangun dan memajukan Industri Perikanan di Malaysia.



UMS pula melalui Sekolah Perhutanan dan Tropika Antarabangsa menawarkan program-program pengajaran, pembelajaran dan penyelidikan dalam bidang perhutanan dan perikanan.

Dengan kerjasama dan kalaborasi di antara kedua-dua pihak, sudah pasti ia akan memantapkan lagi industri perikanan di Malaysia melalui program-program yang bakal dirancang dan dilaksanakan khususnya ke arah melahirkan tenaga kerja terlatih bagi memenuhi keperluan modal insan berteknologi di sektor industri perikanan negara.



UMS diwakili oleh Naib Canselornya Brig. Jen. Prof. Datuk Seri Panglima Dr. Kamaruzaman Hj. Ampon manakala MTIB diwakili Ketua Pengarahnya Prof. Madya Dr. Jalaludin Harun. Majlis MoU itu telah disaksikan oleh Menteri Perusahaan dan Komoditi Tan Sri Bernard Dompok di Hotel Pan Pacific Sutera Harbour pada 12 April 2010.

Antara aktiviti yang boleh disumbangkan oleh pihak UMS termasuklah kajian dan penyelidikan dalam bidang perladangan hutan dan juga pembangunan produk berasaskan serat kayu.



Disamping itu pihak UMS juga akan memainkan peranan sebagai pusat latihan dan kecemerlangan dalam bidang industri perikanan dalam menyokong usaha Polisi Perindustrian Nasional (NATIP) bagi melahirkan modal insan terlatih untuk keperluan industri perikanan. Melalui MoU ini juga, pihak UMS akan bekerjasama dalam bidang berkaitan Industri Perhutanan dan juga Latihan Industri di kalangan bakal graduannya.

Program pembangunan ladang hutan yang diterajui oleh MTIB merupakan salah satu bidang yang boleh diberikan tumpuan khusus oleh pihak UMS. Dengan kepakaran sedia ada di UMS tentunya program pembangunan ladang hutan dapat dibangunkan secara bersama iaitu dengan melakukan kajian perladangan hutan seperti pemilihan spesis ladang hutan yang sesuai untuk ditanam bagi menjamin bekalan bahan mentah untuk industri perikanan.

